

大清仁宗睿皇帝實錄

大清仁宗受天興運敷化綏猷宗文經武孝恭
勤儉端敏英哲睿皇帝實錄卷之六十

監修總裁官經筵日講起居注官太子太傅武英殿大學士文淵閣領閣事稽察欽奉 上諭事件處管理工部事務翰林院掌院學士

加二級尋常加四級臣曹振鏞總裁官太子太保文淵閣大學士管理刑部事務加五級臣戴均元經筵日講起居注官太子少保內大臣文淵閣學

閣事務察欽奉 上諭事件處協辦大學士戶部尚書翰林院掌院學士教習庶吉士總管內務府大臣鑲黃旗滿洲都統步軍統領管

理戶部三庫奉宸苑清漪園等處總理工程處御膳房御藥房太醫院西洋堂事務軍功加三級隨帶加二級尋常加三級紀錄二十次臣

英和總巡講官太子太保禮部尚書上書房行走武英殿總裁管理國子監事務加六級隨帶加二級紀錄四次臣汪廷珍等奉

敕修

嘉慶五年庚申二月己亥諭軍機大臣等賊

匪分竄川西。朕於數千里外。時刻焦慮。寢食不寧。豈魁倫目擊情形。竟坐守蓬溪。任賊奔竄乎。魁倫惟當知愧知感。與德楞泰勒保。併力截擊。再阿哈保前與朱射斗。在高院場。勦賊朱射斗陣亡。阿哈保衝圍而出。自係敗衄。退回。本當按軍律治罪。今朕不加嚴譴。仍留副都統之任。現在貴州兵到。川著交阿哈保分帶。與施紹協力勦賊。儻再有疏懈。必當從重治罪。將此各傳諭知之。○庚子。諭內閣。據

理藩院奏。回子郡王銜貝勒哈迪爾之母。請
旨給予誥封等語。從前各城回子。及在京回
子王公等。並未編旗分佐領。是以不予誥封。
惟哈密。吐魯番。已編定旗分佐領之回子王
貝勒。與蒙古王公扎薩克等。一體給予誥封。
今哈迪爾已入鑲黃旗蒙古旗分。現在御前
行走。著加恩照旗人例賞給誥封。其餘回子
王公。仍照舊例不必給予。○諭軍機大臣等。
弘豐奏。賊匪至均。穀。一帶。仍折回西竄。房縣

山內與前此吳熊光奏報相同。惟弘豐以房穀山險路雜。所帶兵一千名。尚屬單薄。未便深入。已形畏怯。僅派協領富魁在襄陽迤西紮營堵禦。又因賊匪擾近保康。恐其西竄遠安。復將官兵分撥五百名。派赴荆門堵截。是兵力又不免分而見單。全不知行軍之道。著明亮即將弘豐派在襄陽荆門之兵一併酌調。會同松筠由東而西相機堵剿。將此傳諭知之。○以故廣西太平府上龍司土巡檢趙

部
皇

純嘏弟純臣襲職。○辛丑諭內閣。祝雲棟奏
請將民間應納錢糧。以穀代銀一摺。所奏斷
不可行。國家設立倉庫。均關緊要。小民輸納
正供銀米。本有定額。若將應完地丁銀兩。概
行徵收米石。是倉儲蓄積豐盈。而庫項竟至
短絀。成何事體。現因各省地方官徵收漕米
滋弊。屢降諭旨嚴禁。今若令百姓盡輸本色。
是各州縣例收漕糧外。又添無數漕糧。浮收
之弊。更難禁絕。苦累閭閻。莫此為甚。即如地

方官買補倉穀。若非豐收應補之年。尚不准
各州縣率行採買。恐糧價增昂。有妨民食。祝
雲棟即因調劑倉儲起見。自有舊定章程。可
以遵辦。何得率請以穀代銀。實屬全不曉事。
至摺內於永字缺寫末一筆。竟不成字。乾隆
六十年欽奉

皇考諭旨。

特賜朕名。天下臣民皆所共知。永字本無可避。
何庸缺筆。祝雲棟係科甲出身。現任道員。豈

於中外通行文字。尚不諳曉。則其辦理地方
事務。不能留心。更可概見。且將斷不可行之
事。妄行瀆奏。錯謬已極。著將祝雲棟原摺發
交蔣兆奎。即調祝雲棟來至省城。當面傳旨
嚴行申飭。並將原摺擲還。○又諭福寧前在
旗鼓寨殺降一事。究緣投出之人倉猝難信。
設計誘殺。尚屬有因。是以免其發往伊犁。作
為兵丁。在軍營効力贖罪。現又據魁倫奏報。
賊匪搶渡嘉陵江西岸。竟係福寧裁撤鄉勇。

所致其罪實不可恕。福寧著仍發往伊犁。不必留營効力。以示懲儆。○諭軍機大臣等。額勒登保奏。勦辦甘省及川陝楚竄匪情形。所辦俱好。惟現患肝旺心怯之症。殊為慮念。現令伊姪福忠阿帶同御醫田廣福前赴軍營診視。賞給人蔘半斤。並賞親佩小荷包一箇。如朕親臨問病。此時額勒登保惟當在秦州安心調養。不可力疾督師。用示體卹。額勒登保前次因竄甘賊匪有二萬餘人。事關緊要。

彼時力疾趕往。意在急公。朕亦不加深責。現在額勒登保派撥各路兵將。皆合機宜。岱森保竟不必赴陝。所有勦辦竄匪。及各路官兵。均交那彥成管帶督辦。額勒登保在秦州駐劄。亦應留兵防備。儻賊匪經由該處。伊仍可派往堵勦。即作為一路守禦之兵。亦屬有益。經畧印信。仍係額勒登保掌管。其欽差大臣關防。著那彥成暫行留用。將此傳諭知之。○又諭魁倫奏。川西竄匪。自高院場接仗後。一

竄鹽亭南部等處。一竄太和鎮射洪。勢甚猖獗。嗣大兵到彼。不及搶渡。其分往太和鎮射洪賊匪。亦向鹽亭奔竄。魁倫束手無策。竟不足恃。著勒保星赴川西。催調貴州兵丁迅速趕到。不可片刻遲延。以期剿除淨盡。至阿迪斯。以本省將軍大員。於川西竄匪情形。從未有一字奏及。且帶兵在大寧閒住。據稱率同德英額。在彼防堵。究竟防堵何賊。著勒保嚴查具奏。○額勒登保等奏。龍山鎮。汪家山。秀

金山等處。連次勦賊出力人員。賞三等侍衛
謨馨。姜護軍。叅領麒麟保。巴圖魯名號。協領
布蘭泰。佐領官保。畢勒屯。察防禦英林。英保。
遊擊李殿元。馬鳴玉。守備屈端。楊正明。千總
馬正雄。花翎驍騎校法林太等。藍翎餘升。賞
有差。○壬寅。

上詣

大高殿行禮。

時應宮拈香。○諭內閣。倭什布前在湖廣總

督任內防堵疏懈致川陝竄匪闖入楚境是
大以將伊革職示懲近日倭什布在楚督率兵
勇分投堵剿並將竄匪逼入房縣南山尚有
微勞且念其平日官聲尚好於楚省情形亦
較熟悉雖前此疏防貽誤咎有難辭但賊匪
奔竄無定即如陝甘督撫亦被川省賊匪闖
入境內並未將伊等治罪自難專責倭什布
一人倭什布著加恩補授湖北巡撫以觀後
效不必給予頂帶仍帶革職留任俟八年無

過方准開復。並俟川陝各路軍務全行告竣。再行來京。陛見高杞。著來京另候簡用。○舉行嘉慶四年大計。奉天卓異官一員。年老官一員。吉林卓異官一員。直隸卓異官十七員。不謹官一員。罷軟官二員。年老官九員。有疾官一員。才力不及官一員。江西卓異官十一員。不謹官一員。罷軟官一員。年老官五員。有疾官二員。才力不及官一員。浮躁官一員。湖南卓異官八員。不謹官二員。罷軟官二員。年

老官四員。有疾官一員。才力不及官二員。山東。卓異官十三員。不謹官三員。罷軟官一員。年老官五員。有疾官一員。才力不及官四員。浮躁官三員。山西。卓異官十二員。罷軟官一員。年老官七員。有疾官三員。才力不及官三員。浮躁官二員。廣東。卓異官十三員。不謹官二員。罷軟官一員。年老官七員。有疾官三員。才力不及官二員。浮躁官二員。貴州。卓異官七員。罷軟官一員。年老官三員。有疾官二員。

浮躁官一員。南河。卓異官二員。年老官一員。
才力不及官一員。分別議敘處分如例。○調
山東登州鎮總兵官李紹祖。為四川松潘鎮
總兵官。以山東文登協副將富寬。為登州鎮
總兵官。調四川川北鎮總兵官劉之仁。為巴
里坤總兵官。○予四川陣亡副將關聯陞。祭
葬世職。如總兵官例。副將佟世徵。叅將何之
璞。都司陳騰龍。守備趙祥。王文章。藍翎千總
譚一洪。祭葬世職如例。追賊病故總兵官德

寧祭葬世職如傷亡例。○癸卯。

上至吉安所

穎貴太妃殯宮前酌酒。○諭軍機大臣等。陝境竄匪。現在沙溝一帶游奕。台布專交劉之仁。多爾濟扎布。勦辦。並令國霖駐劄商確。以資防守。現在陝省糧餉固關緊要。而勦賊之事尤為重大。台布雖赴漢中。必須隨時察探。若劉之仁。多爾濟扎布。所辦未合機宜。仍當親赴軍營督辦。不可大意。至所稱賊匪總以